

Referencia:	2022/3130N
Procedemento::	Procesos de selección de personal funcionario interino o laboral temporal mediante procedimiento ordinario
Interesado:	

PROBAS SELECTIVAS PARA A FORMACIÓN DUNHA BOLSA DE CONTRATACIÓN DE PERSOAL LABORAL DA CATEGORÍA DE MONITOR/A DEPORTIVO/A AO SERVIZO DA DEPUTACIÓN PROVINCIAL DE OURENSE.

ACTA 3 DE VALORACIÓN DE MÉRITOS

Na sala de xuntas do Pazo Provincial, ás 16:00 horas do día 11 de xullo de 2022, procédese á constitución do tribunal que xulgará o proceso selectivo para a creación dunha bolsa de contratación de persoal laboral da categoría de monitor/a deportivo/a ao servizo da Deputación Provincial de Ourense, segundo bases aprobadas por Resolución da Presidencia do 16 de marzo de 2022 e publicadas no BOP do día 22 de marzo de 2022.

Estando presentes os membros do tribunal que se relacionan, e unha vez advertida a existencia de quorum, queda constituído na seguinte forma:

Presidente: dona M.^a de los Ángeles Cantón Álvarez

Vogais: don Alberto González Cruz, don José Domarco Piñeiro e don José Antonio Fernández Álvarez

Secretario: don Esteban Fernández Álvarez

Por parte da Presidencia expónse que o obxecto desta sesión é proceder á realización da valoración de méritos do correspondente procedemento de acordo co establecido na base sétima das bases reguladoras da convocatoria, que establece que o baremo de méritos realizarase do seguinte xeito:

a) Polos servizos prestados na mesma ou análoga categoría profesional: 0,15 puntos por mes ou fracción.

Entenderase por categoría profesional análoga aquela coa que a prevista nas bases garde unha relación de identidade esencial. O cómputo realizarase sumando o tempo total de servizos prestados expresado en días e dividíndoo por trinta, aplicándolle ao cociente resultante o coeficiente de puntuación que corresponda segundo o baremo. **Puntuación máxima por experiencia laboral: 12 puntos.**

b) Por cada curso realizado, impartido por administracións públicas, universidades, INEM, formación continua no marco do acordo de formación continua para as administracións públicas ou formación ocupacional, relacionado coas funcións para desenvolver:

- Por cursos de 20 a 59 horas: 0,5 puntos por curso.
- Por cursos de 60 a 99 horas: 0,75 puntos por curso.
- Por cursos de 100 ou máis horas: 1 punto por curso.

Puntuación máxima por cursos: 8 puntos.

Puntuación máxima fase de concurso: 20 puntos.

Os méritos deberán acreditarse a través dos seguintes medios:

- A antigüidade na Administración pública, mediante certificación expedida polo órgano competente da administración pública de que se trate.
- Os servizos prestados no sector privado, mediante certificación de vida laboral e contratos de traballo.
- Os cursos de formación, mediante certificado expedido pola entidade promotora da acción formativa, onde conste a denominación do curso e o seu número de horas. A certificación deberá incluír ademais a circunstancia de ter superado a proba de avaliación establecida para a obtención do diploma ou certificación, de ser o caso.

A continuación procédese á valoración das solicitudes das persoas admitidas para o dito procedemento segundo a Resolución da Presidencia do 07 de xullo de 2022.

Por unanimidade o Tribunal procede á valoración dos méritos dos/as candidatos/as de forma individual e sucesiva de puntuación co resultado seguinte:

APELIDOS E NOME	PUNTOS
GOMEZ GARCIA,EVA	13.25
SANCHEZ ANTON,EVA MARIA	13
RIOJA MÍGUEZ,DAVID	5
PINTOS PEREZ,IRENE	1.5
PEREZ SALGADO,JOEL	0.75
SANCHEZ BARREIRO,ALEXANDRE	0.75
FERNANDEZ NIETO,ANA	0

O tribunal cualificador acorda outorgar as puntuacións sinaladas.

A valoración individualizada e pormenorizada de cada unha das persoas aspirantes ao dito procedemento, anéxase a presente acta e consta incorporada ao expediente electrónico desta Deputación núm. 2022/3130N

Os/as interesados/as dispoñen dun prazo de dez días hábiles seguintes á publicación desta acta na páxina web da Deputación e na súa sede electrónica para posibles correccións de erros.

E ás 17:30 horas, dáse por finalizado o acto, asinando os que interveñen. Dou fe.